

Izjava OHR-a na konferenciji za medije međunarodnih organizacija u Mostaru

Visoki predstavnik u Rimu

Visoki predstavnik / specijalni predstavnik EU danas popodne će otputovati u Rim, kako bi prisustvovao godišnjem kongresu Evropske narodne stranke, gdje će se sastati sa višim zvaničnicima ove stranke i drugim istaknutim političarima iz čitave Evrope.

On će istaći politički i ekonomski napredak koji je BiH postigla u posljednjih nekoliko godina. Ovom prilikom će zatražiti od evropskih lidera da obrate pažnju na trenutne procese reformi u BiH, u kontekstu pregovora o Sporazumu o Stabilizaciji i pridruživanju. Kao dio ovoga on će lobirati za otpočinjanje postepenih olakšica za trenutni vizni režim.

Visoki predstavnik će također ukazati da u vrijeme kada je mnogo međunarodne pažnje u regionu usmjereno na Crnogorski referendum za nezavisnost i pregovore o konačnom statusu Kosova, pažnja ne bi trebala biti odvrćena od napora BiH da se približi EU.

“BiH je napravila ogroman napredak i završila ambiciozan program reformi. Napredak po pitanju viznih olakšica kao što je predložila Evropska komisija bi poslao moćan signal vlastima BiH i građanima BiH da EU prepoznaje ovaj napredak” – rekao je visoki predstavnik.

“Ako se Europska unija nada da će ekonomija Bosne i Hercegovine nastaviti rasti, onda ona mora olakšati poslovnim ljudima iz BiH putovanja u EU kako bi vodili svoje poslove. Kako poduzetnici mogu razvijati odnose s perspektivnim

poslovnim partnerima u EU ako moraju čekati danima – ako ne i tjednima – da dobiju vizu za put u EU”, dodao je on. Ostale teme za razgovor će biti ustavne promjene, kao i tranzicija OHR-a u ured specijalnog predstavnika Europske unije.

Europska narodna stranka je najveća politička skupina u Europskome parlamentu, koja predstavlja oko 37% svih zastupnika u Europskome parlamentu.

Među ljudima koji će biti na kongresu Europske narodne stranke je i predsjednik Europske komisije Jose Manuel Barroso, talijanski premijer Silvio Berlusconi i njemačka kancelarka Angela Merkel.

Visoki predstavnik / specijalni predstavnik EU će se također sresti s Papom i Vatikanskim tajnikom za odnose s drugim državama nadbiskupom Giovannijem Lajolo (Đovanijem Lajolo).